

ՀՏԴ 37.01:159.9

Մանկավարժություն, հոգեբանություն

**ՏԱՐԱԾԱԿԱՆ ՄՏԱԾՈՂՈՒԹՅԱՆ ՄԻ ՔԱՆԻ  
ՄԵԹՈԴԱԲԱՆԱԿԱՆ ՀԱՐՑԵՐԻ ՄԱՍԻՆ**

***Գ. Առաքելյան***

Տարածական պատկերացումների ձևափորման խնդիրը գնալով ավելի ու ավելի մեծ ուշադրության է արժանանում ֆիզիոլոգների, հոգեբանների և մանկավարժների կողմից: Մեթոդաբանության մակարդակը և ֆիզիոլոգիայի ու հոգեբանության բնագավառների ժամանակակից ձևորբենումները թույլ են տալիս հասկանալ ճանաչողական գործնաթացների հիմքերը:

Կախված ճանաչողական մեխանիզմների յուրահատկությունների դրսևորումներից՝ գոյություն ունեն մտածողության տեսակների տարրեր դասակարգումներ: Հստ մտածողության գործնաթաց ներառվող միջոցների և հոգեբանական գործնաթացների գերակայության, առանձնացվում են մտածողության **ակնառու-գործառնական, ակնառու-պատկերային և խորային-տրամաբանական** տեսակները [1, էջ 292]: Համառոտ դիտարկենք այս դասակարգումները:

**Ակնառու-գործառնական** մտածողությունը աշխատում է անմիջապես պրակտիկ գործունեության ժամանակ և կապված է գործնական խնդիրների լուծման հետ:

**Ակնառու-պատկերային** մտածողությունը կապված է պատկերային նյութի հիման վրա մտային խնդիրների լուծման հետ: Այստեղ կատարվում են գործառույթներ տեսողական և լսողական պատկերներով: Մտածողության այս տեսակը սերտորեն կապված է պրակտիկ մտածողության հետ:

**Խորային-տրամաբանական** մտածողությունը կոչվում է նաև տեսական: Այն ունի տեսական հասկացությունների կամ դատողությունների տեսք և կապված է փիլիսոփայական, մաթեմատիկական, ֆիզիկական և այլ հասկացություններով և դատողություններով գործառման հետ: Սա մտածողության «ամենաբարձր» մակարդակն է, որը թույլ է տալիս ներթափանցել երևույթների էռույթան մեջ և պարզել բնության և հասարակական կյանքի զարգացման օրինքները:

Ունենալով մի շարք առավելություններ, պատկերային մտածողությունը լրացնում է հասկացական ձևերը: Ի տարբերություն հասկացության, որում վերաբերաբար կամ առանձին հատկություններ, պատկերը թույլ է տալիս ստեղծել ամբողջական մտային պատկեր, որում արտացոլված է տարածական տեղակայվածությունը: Պատկերների բովանդակությունը կարող է տարբեր լինել: Պատկերների մի մասում կարող է արտահայտված լինել առարկայական, իսկ մույսներում՝ վերացական (նրկաչափական) հատկություններ:

Լ.Ս.Վիգոտսկին մատնաշնչելով մտածողության և երևակայության գործնաթացների փոխապակցվածությունը, ենթադրում էր, որ պատկերային

մտածողությունը զարգանում է տրամաբանական մտածողության հետ՝ մեկ ամբողջության մեջ:

Պատկերային մտածողության հիմնական գործնաթացը պատկերների ստեղծումն ու խնդիրների լուծման ընթացքում դրանցով գործառում է: Հասկացություններն ու պատկերները, որոնցով գործառում է մտածողությունը, կազմում են միևնույն գործնաթացի ներկու կողմերը: Լինելով սերտ կապված իրականության արտացոլման հետ, պատկերը գիտելիք է տալիս ոչ թե այդ իրականության առանձին, մեկուսացված կողմերի մասին, այլ իրենից ներկայացնում է իրականության առանձին հատվածի ամբողջական մտային պատկեր: Տարածական մտածողությունը պատկերային մտածողության տեսակ է: Ըստ Ի. Ս. Յակիմանսկայայի [2, էջ 26] տարածական մտածողության մեջ արտահայտված է դինամիկությունը, պատկերի վերակողակրումը, նորի ստեղծման նպատակով դրանցով գործառում և այլն:

«Տարածական մտածողություն» տերմինը հոգեբանության մեջ համընդունված չէ: Դրա կիրառումը հաճախ է վիճարկվում, քանի որ մտածողության ցանկացած տեսակ ընդիանրացված է և հանդիսանում է իրականության, այդ թվում նաև տարածության միջնորդական միջնորդական արտացոլում դրա կապերում և հարաբերություններում:

Այնուամենայնիվ, տարածական մտածողությունը մտային գործունեության յուրահատուկ տեսակ է, որն առկա է այնպիսի խնդիրներում, որոնք պահանջում են կողմնորոշում պրակտիկ և տեսական տարածության մեջ: Իր ավելի զարգացած ձևերում այն իրենից ներկայանում է պատկերներով մտածողություն, որում ֆիրստում են տարածական հատկություններն ու հարաբերությունները: Գործառնով սկզբնական պատկերներով, մտածողությունն ապահովում է դրանց տեսքի փոփոխությունը, ծևափոխությունը և սկզբնականից տարբեր նոր պատկերների ստեղծումը:

Պատկերային մտածողության տեսակ հանդիսացող տարածական մտածողության հիմքը կազմում է պատկերացման գործողությունը (տարածական պատկերացումը), որը տարբեր մակարդակներում ունենում է տարբեր ձևեր: Ի. Ս. Յակիմանսկայան առանձնացնում է այդ գործունեության ներկու մակարդակ, պատկերների ստեղծում և դրանցով գործառում [2, էջ 87]:

Տարածական մտածողության սկզբնական նյութ է պատկերը, այնինչ խոսք օգտագործվում է հիմնականում որպես արտահայտման, պատկերների հետ կատարված ծևափոխությունների վերջնական արդյունքների մեկնաբանման միջոց: Օրյնկանի տարածական հատկություններն ու հարաբերություններն վերարտադրող պատկերն իր բովանդակությամբ առավելացն տարբերվում է մյուս պատկերներից, որոնք արտահայտում են օբյեկտների ոչ թե տարածական, այլ առարկայական բնութագրիչները:

Ունենալով պատկերային մտածողության բոլոր բնութագրիչ հատկությունները, տարածական մտածողությունն ունի իր յուրահատուկ գծերը, որոնք կապված են պատկերների բովանդակության, դրանց ստեղծման և գործառման պայմանների հետ: Տարածական մտածողության առարկա են այն պատկերները, որոնցում արտահայտված են առարկայական

աշխարհի ոչ թե բոլոր հատկություններն ու հատկանիշները, այլ միայն դրանց տարածական հատկություններն ու հարաբերությունները: Այդպիսով, լինելով պատկերային մտածողության տեսակ, տարածական մտածողությունը ճանաչողության գործնթացում կատարում է յուրահասուկ գործառույթ՝ իրական օբյեկտներից առանձնազատելով ու վերլուծելով տարածական հատկություններն ու հարաբերությունները և դրանց հետ կատարելով տարբեր ձևափոխություններ:

Տարածական մտածողությունը դրսնորում է չափման, կառուցման, մոդելավորման, տարբեր առարկաների գործնական պատրաստման գործնթացներում: Այսպիսով, «տարածական մտածողություն» տերմինով արտահայտվում է բավականին բարդ գործնթաց, որտեղ ներառված են ոչ միայն տրամաբանական, այլև բազմաթիվ ընկալական գործողություններ, առանց որոնց պատկերներով մտային գործնթաց չի կարող տեղի ունենալ:

**Տարածական մտածողության միավոր է պատկերը, որում ներկայացված են օբյեկտի տարածական բնութագրիչները՝ ծեղ մեծությունը, բաղկացուցիչ տարրերի փոխառությունը, ցանկացած հաշվարկման համակարգում դիրքը հարթության և տարածության մեջ:**

Օբյեկտի տարածական բնութագրիչների առանձնացումը իրականացվում է ճանաչողական գործունեության ընթացքում տեսական վերացարկման արդյունքում, որի հիմքում ընկած է պատկերայնացման գործունեությունը: Պատկերայնացումը կազմում է տարածական մտածողության հիմքը:

«Պատկերայնացում» տերմինը՝ ի տարբերություն պատկերացման, հեղերանության մեջ մտցվել է Բ.Մ.Տնալովի կողմից՝ պատկերների ստեղծման և դրանցով գործառելու բարդ ինտենսիվուալ գործունեության նկարագրման համար: Հետագայում այն լայն կիրառություն ստացավ պատկերի կամայական վերաբարերման և գրաֆիկական խնդիրների լուծման ժամանակ դրանցով մտային գործառումների նշանակման համար:

Պատկերների ստեղծման միջանիզմը հիմնված է տարրեր հեղերանական, մասնավորապես բարձրագույն իմացական գործնյացների վրա (ընկալում, պատկերացում, երևակայություն): Դրանց տարբերությունը հիմնականում դիտարկվում է զգայական բաղադրիչների ննդատերատում՝ մասնավորի և ընդհանուրի զերիշխման մեջ:

**Հոգեբանության մեջ ընդունված է համարել, որ պատկերների ստեղծման հիմքում ընկած է եղանակի գործունեություն՝ արդյունավետ և վերաբարերմական [1,էջ 259]: Դրա հետ կապված դասակարգվում են նաև հիշողության ու երևակայության պատկերները որոնք ել իրենց հերթին լինում են վերաբերող և ստեղծագործական: Ըստ որում նորի ստեղծումը վերագրվում է միայն երևակայությանը:**

Պատկերայնացման գործունեությունը պատկերացման մակարդակում բնութագրվում է ոչ միայն նախկին ընկալումների արդիականացմամբ, այլև սկզբնական պատկերի ակտիվ մտային ձևափոխություններով: Այդ պատճառով, ինչ մակարդակի վրա էլ իրականացվի պատկերայնացումը, այն

ապահովում է սկզբնականի համեմատ նորի ստեղծում, ինչն էլ նշանակում է որ գործունեությունը հանդիսանում է արյունավետ:

Երևակայությունը պատկերի ստեղծման ավելի բարդ գործընթաց է, որն իրականացվում է սկզբնական տեսողական հիմքից մարսիմալ շնորհամբ և ունեցած պատկերների բազմատեսակ ձևափոխմանք, որոնք ստեղծված են տարբեր տեսողական հիմքների վրա և արդեն ֆիքսված են պատկերացման մեջ:

Պատկերայնացումը երևակայության մակարդակով իրականացվում է՝  
- արդեն ստեղծված առաջնային պատկերների հիման վրա՝ առանց սկզբնական տեսողական նյութի վրա անմիջական հիմնվածության,  
- ընդհանուրացվածության և դինամիկության տարբեր աստիճանների տարրատեսակ պատկերների օգտագործմամբ: Այդ պատճառով անհրաժեշտություն չկա պատկերները բաժանել ստեղծագործականի (արյունավետի) և վերարտադրողականի: Տարբեր օբյեկտներով գործառնություն, վերակռնակորենով դրանց բովանդակությունը և ստեղծելով նոր պատկերներ՝ տարածական մտածողությունը ձեռք է բերում ստեղծագործական գործընթացի բոլոր գծերը:

Այդպիսով, զանկացած մակարդակում պատկերայնացումը ապահովում է նորի ստեղծում և տարբերությունը կայանում է սուլ նորույթի աստիճանի և կատարման պայմանների մեջ: Պատկերի կառուցման համար սկզբնական նյութի ձևափոխությունը և դրանով գործառումը տեղի է ունենում պատկերայնացման բոլոր մակարդակներում, տարբեր են միայն կոնկրետ պայմաններն ու իրացնողները:

Օնթոգենետիզում տարածական մտածողությունը անցնում է կայացման մի շարք օրինաչափական փուլեր՝ սկզբում այն միահյուսված է մտածողության այլ ձևերի հետ, իսկ իր ավելի զարգացած և ինքնուրույն ձևերում՝ հանդես է գալիս տարածական պատկերների տեսքով:

Գործունեության ընթացքում մարդը ընկալվող տարածության մեջ առանձնացնում է տարածական առնչությունները, արտացոլում է դրանք պատկերացումների և հասկացությունների մեջ, սակայն նա հաճախ ստիպված է լինում ոչ միայն ֆիքսել և ուղղորդել սեփական գործունեությունը, այլև կանխատեսել նոր առնչություններ, որոնք նախկինում ընկալված չեն եղել: Տրված տարածական հարաբերակցությունների զգայական ընկալման հիման վրա և մտային գործողությունների բարդ համակարգի օգնությամբ մարդը ստեղծում է նոր տարածական պատկերներ և արտահայտում դրանք բառային կամ գրաֆիկական տեսքով (սխեմաների, գծագրերի, նկարների):

**Ի. ԱՅԼԻՄԱՆՆԱԿԱՅԱՆ ՊԱՏՈՒԿԵՐԸ ԾՆԴՐԻՆՈՒՄ Է ՈՐԱՅՆ ՏԱՐԱԾԱԿԱՆ ՄՏԱԾԾՈՂՈՒԹՅԱՆ ՕՎԵՐԱՍԻԼԻ ՄԻԱՎԵՐ, ԲԱՆԻ ՈՐ ՆՐԱՆՈՒՄ ՆԵՐԿԱՅԱԳՎԱԾ ԵՆ ՕԲՅԵԿՏԻ ՏԱՐԱԾԱԿԱՆ ԲՆՈՒԹՅԱԳՐԻՆԵՐԸ՝ ՃԱՐ, ՄԵՇՈՒԹՅՈՒՆՆԵՐ, ԲԱԴԿԱՑՈՒԺՀ ՏԱՐՐԵՐԻ ՎԱԽՏԱՄԱՎՐՈՒԹՅՈՒՆՆԵՐ, ԳՏԱՆԿԱԳԱԾ ՀԱՉՎԱՐԿՄԱՆ ՀԱՄԱԿԱՐԳՈՒՄ ԴԻՐՓՐ ՀԱՐԹՈՒԹՅԱՆ և ՏԱՐԱԾՈՒԹՅԱՆ մեջ [2, էջ 25]:**

Սակայն տարածական մտածողությունը բնութագրվում է ոչ միայն համապատասխան պատկերների ստեղծմամբ, այլև դրանց գործառմամբ,

«Վերակոդավորմամբ», որն իրականացվում է պատկերայնացման հիման վրա:

Ըստ Ի.Յա. Կապլունովիչի, տարածական մտածողության կառուցվածքը ձևափրում է մտային գործողությունների խումբ, եթե մարդը քաջի առանձին գործողություններ կատարելուց կարողանում է նաև.

1. տարածական մարմինների պատկերների նկատմամբ զանկացած ենրթականությամբ կատարել մաթեմատիկական ձևափոխություններ,

2. փոխարինել ձևափոխությունների համադրույթը տվյալ ամբողջության ձևափոխություններից մենակով,

3. արագ կատարել ուղիղ գործողության հակադարձ գոծողությունը և նշված ձևափոխության արդյունքից նենալով վերականգնել սկզբնական տվյալները [3, էջ 58]:

Այսպիսով ակնհայտ է դառնում, որ տարածական պատկերացման հիմնական բովանդակությունը իրենից ներկայացնում է գործառում ընդհանրացված պատկերներով և առնչություն՝ ինչպես դրանց, այնպես էլ դրանց տարրերի միջև, ձևով, մեծությամբ և տարածական հարաբերակցություններով, տարածական պատկերներով՝ տեսանելի կամ երևակայական տարածության (հարթության) մեջ:

Ցանկացած, այդ թվում նաև տարածական պատկերի ստեղծման ժամանակ ձևափոխության է ենթարկվում տեսույթը և դրա հիման վրա էլ առաջանում է պատկերը: Սկզբնական տեսույթը հանդիսանում է պատկերի ստեղծման վիճակ սկզբնական հիմք: Խնդրի լուծման ընթացքում պատկերը ոչ մենակամ ենթարկվում է ձևափոխության: Նրա ձևափոխությունը ոչ միայն կապված է պատկերը հիշողության մեջ պահելու, այլև հակացական ապարատի օգտագործման հետ, որը որոշում է պատկերի ձևափոխման միջոցները խնդրի տրամաբանության մեջ:

Ուշագրավ են Ի.Յա. Կապլունովիչի առանձնացրած տարածական մտածողության հինգ հիմնական ենթակառուցվածքները՝ *տոպոգրաֆիական, պրյեկտիվ, կարգային, մատրիկական և հանրահաշվական* [4, էջ 117], [5, էջ 109]: *Տարածական մտածողության կառուցվածքը ասելով հասկացվում էր տարածական մարմինների պատկերների նկատմամբ առնչությունների բազմության վրա տրված պատկերացման մեջ կատարվող գործողությունների բազմության բազմմատիճան համակարգ:*

*Տոպոգրաֆիական* ենթակառուցվածքի օգնությամբ մարդը կարող է առանձնացնել և գործառել այնպիսի տարածական բնութագրիչներով, ինպիսիք են պատկերի անընդհատությունը, կոմպակտությունը, կապվածությունը և պարփակվածությունը: Պատկերի ձևափոխությունները կատարվում են առանց նրա մասնատման, պատկերը «աճնագվում», «պատրաստվում» կամ սեղմանում է որպես մենակ ամբողջություն: Գործողությունները չեն ենթադրում ոչ պատկերների մասնատում, ոչ էլ, առավել ևս, այդ մասներով գործառում:

*Պրյեկտիվ* ենթակառուցվածքը բնութագրվում է նմանության հարաբերությամբ և անհատին թույլ է տալիս ճանաչնել, պատկերացման:

գործառն տարածական օբյեկտների կամ գրաֆիկական պատկերների միջավայրում ցանկացած հաշվարկման սկզբնակներից: Այսինքն, պարզել օբյեկտների և նրանց կամայական պրոյեկցիաների (զուգահեռ, ուղղանկյուն, կենտրոնական) համապատասխանությունները և այլն: Ընդ որում, սկզբունքային է հաճիխանում ոչ թե միևնույն օբյեկտի տարրեր պրոյեկցիաների, այլ օբյեկտի և նրա պրոյեկցիաների համապատասխանությունների պարզումը:

**Հիմնվելով** տարածական մտածողության **կարգային** ենթակառուցվածքի վրա, մարդուն հաջողվում է առանձնազննել տարրեր տարածական օբյեկտների բվագիկարգի (կենդ կարգի), գծային կամ մասնակի կարգափորված բազմության հատկությունները, պարզել հինրարիսիկ հարաբերություններ ըստ տարրեր հիմքների՝ մոտ-հեռու, շատ-քիչ, ցածր-բարձր, աջ-ձախ և այլն: Այլ կերպ ասած կատարվում է պատկերների և դրանց տարրերի համադրում: Պատկերները ինչ որ չափով արդեն ներքուստ դիֆերենցիած են, այդ պատճառով դրանք կարող են համարվել տարրեր տեսանկյուններից և ուղղություններից: Բայց այդ տեսանկյունները շատ լայն են (ձևը «ընդհանրապես», առարկայի կառուցվածքը «ընդհանրապես», շարժման ուղղության «ինչ-որ» փոփոխություն, ընդհանուր չափսեր և այլն), իսկ դուրս բերվող գնահատականները կրում են որակական բնույթը:

**Մետրիկական** ենթակառուցվածքը թույլ է տալիս որոշնել երկարությունների, անկյունների թվային արժեքներն ու մեծությունները: Այն կենտրոնացված է քանակական ձևափոխությունների վրա:

**Տաճրահաշվական** ենթակառուցվածքը օգնում է պահպաննել (կոմպոզիցիայի) օրենքները, որոշնել տարածական ձևափոխությունների հակադարձները, փոխարինել մի քանի գործողությունները մեկով: Այս ենթակառուցվածքում պատկերի տարրեր տարրերն ու տարրերը գործողությունները դաշնում են անջատ, իրարից անկախ, ինչը թույլ է տալիս պատկերների տարրերի նկատմամբ գործողությունները, ուղղումները, մասնատումներն ու միացումները կատարել ցանկացած հերթականությամբ:

### Ծանոթագրություններ

1. Նալչաջյան Ա. Հոգեբանության հիմունքներ, Երևան 1997:
2. Якиманская И.С. Психологические основы математического образования, Москва "Академия", 2004.
3. Каплунович И. Я. Показатели развития пространственного мышления школьников "Вопросы психологии", -1986, N 2, -C.56-66.
4. Каплунович И. Я., Содержание мыслительных операций в структуре пространственного мышления "Вопросы психологии", -1987, N 6 -C.115-122.
5. Piaget J. Adaptation vitale et psychologie de l'intelligence. Selection organique et Phenocopie. Paris: Hermann, 1974. 109 p.

О некоторых методических вопросах пространственного мышления  
Г.Аракелян

*Резюме*

В статье обсуждаются некоторые методические вопросы пространственного мышления. Сделаны и психологические и педагогические аналитические сравнения пространственного мышления. Показано, что пространственное мышление имеет свои преимущества в ряде аспектов и не только отдельные свойства или качества объектов воспроизводятся в процессе мышления человека. Предметные и абстрактные свойства, выраженные в пространственном мышлении, действительно способствуют мышлению — как расширению высшего познавательного процесса.

About Several Methodological Questions of Spatial Thinking  
G. Arakelyan

*Summary*

The article discusses several methodological questions of spatial thinking. Both psychological and pedagogical analytical comparisons of spatial thinking are done. It is shown, that spatial thinking has its advantages in some aspects and not more separate properties or qualities of objects are reproduced in the process of human thinking. Subject and abstract properties, expressed in spatial thinking really promote thinking as enlargement of the highest cognitive process.